



Broj: 07-02-04-745-3/23
Sarajevo, 17.02.2023. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 4. stav (1) Odluke o kriterijima za imenovanje na pozicije članova skupštine Turističke zajednice Kantona Sarajevo ("Službene novine Kantona Sarajevo", broj 10/18), ministar Ministarstva privrede Kantona Sarajevo

PONIŠTAVA

Javni oglas za imenovanje na pozicije tri člana skupštine Turističke zajednice Kantona Sarajevo broj: 07-02-04-745/23 od 11.01.2023. godine, koji je objavljen na web stranici Ministarstva privrede Kantona Sarajevo <http://mp.ks.gov.ba> dana 13.01.2023. godine, u "Službenim novinama Federacije BiH" - Oglasni dio broj 2/23 dana 13.01.2023. godine i u dnevnom listu "Dnevni avaz" dana 14.01.2023. godine i **ponovo raspisuje**

JAVNI OGLAS ZA IMENOVANJE NA POZICIJE TRI ČLANA SKUPŠTINE TURISTIČKE ZAJEDNICE KANTONA SARAJEVO

I - Predmet javnog oglasa

Raspisuje se Javni oglas za imenovanje na pozicije tri člana skupštine Turističke zajednice Kantona Sarajevo – dva predstavnika osnivača i jednog predstavnika privatnog i javnog sektora turizma.

Skupštinu Turističke zajednice Kantona Sarajevo imenuje Vlada Kantona Sarajevo.

Skupština Turističke zajednice Kantona Sarajevo se sastoji od pet članova, od čega su tri člana predstavnici osnivača, a dva člana su predstavnici privatnog i javnog sektora turizma iz općina koje predlaže Privredna komora Kantona Sarajevo, iz reda prijavljenih kandidata.

II - Opis pozicije

Skupština Turističke zajednice nadležna je da:

- donosi statut;
- donosi poslovnik o radu skupštine;
- imenuje i razrješava predsjednika skupštine iz reda članova skupštine;
- imenuje i razrješava članove nadzornog odbora Turističke zajednice;
- donosi odluku o prijemu u dobrovoljno članstvo;
- imenuje i razrješava članove turističkog vijeća;
- donosi godišnji program rada i godišnji finansijski plan Turističke zajednice;

- h) usvaja godišnji izvještaj o radu i godišnji finansijski izvještaj Turističke zajednice;
- i) donosi odluku o osnivanju i organizaciji turističkog ureda;
- j) donosi odluku o izvještajima koje podnose predsjednik, nadzorni odbor i turističko vijeće;
- k) donosi odluke i rješava druga pitanja kada je to predviđeno propisima i statutom;
- l) priprema i podnosi Skupštini Kantona plan i program rada i najmanje jednom godišnje priprema i podnosi izvještaj o radu i finansijski izvještaj.

III - Mandat

Mandat članova skupštine Turističke zajednice je četiri godine, a članovi mogu biti ponovno birani, odnosno imenovani na još jedan mandat. Članovi skupštine Turističke zajednice imenovani su Rješenjem Vlade Kantona Sarajevo broj: 02-04-40598-5/21 od 08.11.2021. godine, tako da je mandat tri člana skupštine Turističke zajednice Kantona Sarajevo imenovanih po ovom Javnom oglasu do isteka mandata imenovanih članova.

Predsjednik i članovi skupštine Turističke zajednice Kantona Sarajevo imaju pravo na naknadu za svoj rad u skladu sa važećim zakonskim propisima, koja će se isplaćivati iz sredstava Turističke zajednice Kantona Sarajevo.

IV - Uslovi za pozicije

Kandidat mora ispunjavati opće i posebne uslove.

Opći uslovi:

- a) da je državljanin Bosne i Hercegovine (dokaz: uvjerenje o državljanstvu ili kopija CIPS-ove lične karte),
- b) da je stariji od 18 godina (dokaz: izvod iz matične knjige rođenih),
- c) da nije osuđivan za krivično djelo (dokaz: uvjerenje nadležnog MUP-a),
- d) da nije osuđivan za privredni prijestup nespojiv sa obavljanjem dužnosti člana skupštine Turističke zajednice (dokaz: uvjerenje nadležnog suda),
- e) da se protiv njega ne vodi krivični postupak (dokaz: uvjerenje nadležnog suda),
- f) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- g) da se na tog kandidata ne odnosi član IX.1. Ustava Bosne i Hercegovine (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- h) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- i) da nije stariji od 65 godina na dan imenovanja.

Posebni uslovi:

- a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ciklusa koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja (dokaz: univerzitetska diploma),



- b) da ima najmanje pet godina radnog staža u struci (dokaz: uvjerenje original izdato od nadležnog organa za penzijsko i invalidsko osiguranje),
- c) da posjeduje znanja i sposobnosti razumijevanja poslovnih izvještaja i da poznaje propise iz oblasti turizma,
- d) da posjeduje sposobnost za savjesno, odlučno i odgovorno obavljanje povjerene funkcije,
- e) da posjeduje sposobnost nepristrasnog donošenja odluka,
- f) da je naklonjen timskom radu,
- g) da ima pozitivne rezultate rada ostvarene tokom karijere (dokaz: potvrda ili uvjerenje ili preporuka poslodavca),
- h) da nema privatni finansijski interes u Turističkoj zajednici Kantona Sarajevo (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa),
- i) da nije predsjednik Turističke zajednice Kantona Sarajevo, direktor turističkog ureda, direktor ureda za podršku turizmu, predsjednik ili član nadzornog odbora i predsjednik ili član turističkog vijeća u Turističkoj zajednici Kantona Sarajevo (dokaz: izjava potpisana i ovjerena od strane nadležnog općinskog organa ili notara, ne starija od dana objave ovog Javnog oglasa).

Prilikom predlaganja kandidata vodit će se računa o spolnoj i nacionalnoj zastupljenosti kandidata.

V - Potrebni dokumenti

Uz popunjenu i potpisanu prijavu na ovaj Javni oglas, koja se nalazi na web stranici Ministarstva privrede Kantona Sarajevo web: <http://mp.ks.gov.ba>, kandidat obavezno dostavlja (u originalu ili fotokopiji ovjerenom od nadležnog općinskog organa ili notara) sljedeće potrebne dokumente:

1. Biografiju,
2. Uvjerenje o državljanstvu (original ne starije od 6 mjeseci),
3. Izvod iz matične knjige rođenih (original ili ovjerena kopija),
4. Izjavu kandidata da nije ranije osuđivan za krivično djelo (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
5. Uvjerenje nadležnog suda da nije osuđivan za privredni prijestup nespojiv sa obavljanjem dužnosti člana skupštine Turističke zajednice (original ne starije od 6 mjeseci),
6. Uvjerenje nadležnog suda da se protiv njega ne vodi krivični postupak (original ne starije od 6 mjeseci),
7. Izjavu da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
8. Izjavu da se na tog kandidata ne odnosi član IX.1. Ustava Bosne i Hercegovine (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
9. Izjavu da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
10. Univerzitetsku diplomu (original ili ovjerena kopija),



11. Uvjerenje o traženom radnom stažu u struci (original izdato od nadležnog organa za penzijsko i invalidsko osiguranje).
12. Potvrdu ili uvjerenje ili preporuku poslodavca da ima pozitivne rezultate rada ostvarene tokom karijere (original ili ovjerena kopija).
13. Izjavu da nema privatni finansijski interes u Turističkoj zajednici Kantona Sarajevo (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
14. Izjavu da nije predsjednik Turističke zajednice Kantona Sarajevo, direktor turističkog ureda, direktor ureda za podršku turizmu, predsjednik ili član nadzornog odbora i predsjednik ili član turističkog vijeća u Turističkoj zajednici Kantona Sarajevo (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa),
15. Izjavu kandidata kojom daje saglasnost da Ministarstvo privrede Kantona Sarajevo i Komisija za izbor po Javnom oglasu za imenovanje na pozicije tri člana Skupštine Turističke zajednice Kantona Sarajevo, mogu obrađivati dokumente kojima se dokazuje njegov lični identitet shodno odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11) (potpisanu i ovjerenu od strane nadležnog općinskog organa ili notara, ne stariju od dana objave ovog Javnog oglasa).

Napomena:

Prije imenovanja na poziciju predloženi kandidat dužan je Ministarstvu privrede Kantona Sarajevo dostaviti dokaz o ispunjavanju općeg uslova iz tačke c) ovog Javnog oglasa da nije osuđivan za krivično djelo, odnosno dostaviti uvjerenje nadležnog MUP-a da nije osuđivan za krivično djelo (original ne starije od 6 mjeseci). Navedeno uvjerenje kandidat je dužan dostaviti u roku od 10 (deset) dana od dana utvrđenog prijedloga.

Ukoliko predloženi kandidat ne dostavi dokaz o ispunjavanju općeg uslova iz tačke c) ovog Javnog oglasa, predložit će se sljedeći najuspješniji kandidat sa rang-liste sa najboljim kandidatima koji je, također, prije imenovanja na poziciju u roku od 10 (deset) dana od dana kada je predložen, dužan Ministarstvu privrede Kantona Sarajevo dostaviti dokaz o ispunjavanju općeg uslova iz tačke c) ovog Javnog oglasa, odnosno dostaviti uvjerenje nadležnog MUP-a da nije osuđivan za krivično djelo.

VI - Rok za podnošenje prijave na Javni oglas

Rok za podnošenje prijave sa svim potrebnim dokumentima iz tačke V ovog Javnog oglasa je 15 dana od dana posljednjeg javnog objavljivanja. Javni oglas će biti objavljen u „Službenim novinama Federacije BiH“, dnevnom listu „Dnevni avaz“ i na web stranici Ministarstva privrede Kantona Sarajevo web: <http://mp.ks.gov.ba>.

VII - Ostale napomene

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja. Obrasci će se ispuniti neposredno prilikom intervjua.

Nijedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje. Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih



podataka ("Službeni glasnik BiH", br. 49/06, 76/11 i 89/11). Nakon intervjuja, Komisija za izbor će predložiti rang - listu sa najboljim kandidatima odgovornom javnom službeniku na daljnje razmatranje. Kandidati koje nakon intervjuja preporuči Komisija za izbor, smatrat će se da su najuspješnije prošli otvorenu konkurenciju.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) ili postupci nisu ispoštovani, zainteresirana stranka može podnijeti prigovor na konačno imenovanje. Prigovor se podnosi ministru Ministarstva privrede Kantona Sarajevo, a kopija se dostavlja Ombudsmenu za ljudska prava Bosne i Hercegovine.

Prijave na javni oglas sa svim traženim dokumentima se dostavljaju lično ili poštom preporučeno na adresu: Ministarstvo privrede Kantona Sarajevo - Komisija za izbor, Sarajevo, ul. Reisa Džemaludina Čauševića broj 1, prizemlje, uz naznaku na koverti: **"Prijava za člana skupštine Turističke zajednice Kantona Sarajevo - NE OTVARAJ"**. Na poledini koverta navesti ime i prezime podnosioca prijave, adresu i kontakt telefon.

Obrazac prijave na Javni oglas može se preuzeti sa web stranice Ministarstva privrede Kantona Sarajevo <http://mp.ks.gov.ba>.

Nepotpune, neblagovremene i neuredne prijave neće se uzeti u razmatranje.



Ime (ime oca) i prezime

Adresa

Telefon

MINISTARSTVO PRIVREDE KANTONA SARAJEVO

Komisija za izbor

PREDMET: Prijava na Javni oglas za imenovanje na pozicije tri člana skupštine Turističke zajednice Kantona Sarajevo

Prijavljujem se na Javni oglas za imenovanje na pozicije tri člana skupštine Turističke zajednice Kantona Sarajevo i to na sljedeću poziciju (obavezno zaokružiti slovo ispred pozicije na koju se kandidat prijavljuje):

- a) člana skupštine Turističke zajednice Kantona Sarajevo - predstavnik osnivača,
- b) člana skupštine Turističke zajednice Kantona Sarajevo - predstavnik privatnog i javnog sektora turizma.

U skladu sa ovim Javnim oglasom uz prijavu prilažem (original ili ovjerenu kopiju) sljedeću dokumentaciju (zaokružiti broj):

1. Biografiju,
2. Uvjerenje o državljanstvu (original ne starije od 6 mjeseci),
3. Izvod iz matične knjige rođenih (original ili ovjerena kopija),
4. Izjavu da nije ranije osuđivan za krivično djelo,
5. Uvjerenje nadležnog suda da nije osuđivan za privredni prijestup nespojiv sa obavljanjem dužnosti člana skupštine Turističke zajednice (original ne starije od 6 mjeseci),
6. Uvjerenje nadležnog suda da se protiv njega ne vodi krivični postupak (original ne starije od 6 mjeseci),
7. Izjavu da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije,
8. Izjavu da se na tog kandidata ne odnosi član IX.1. Ustava Bosne i Hercegovine,
9. Izjavu da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),
10. Univerzitetsku diplomu (original ili ovjerena kopija),
11. Uvjerenje o traženom radnom stažu u struci (original izdato od nadležnog organa za penzijsko i invalidsko osiguranje),
12. Potvrdu ili uvjerenje ili preporuku poslodavca da ima pozitivne rezultate rada ostvarene tokom karijere (original ili ovjerena kopija),
13. Izjavu da nema privatni finansijski interes u Turističkoj zajednici Kantona Sarajevo,
14. Izjavu da nije predsjednik Turističke zajednice Kantona Sarajevo, direktor turističkog ureda, direktor ureda za podršku turizmu, predsjednik ili član nadzornog odbora i predsjednik ili član turističkog vijeća u Turističkoj zajednici Kantona Sarajevo,
15. Izjavu kandidata kojom daje saglasnost da Ministarstvo privrede Kantona Sarajevo i Komisija za izbor po Javnom oglasu za imenovanje na pozicije tri člana skupštine Turističke zajednice Kantona Sarajevo, mogu obrađivati dokumente kojima se dokazuje njegov lični identitet shodno odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11).

Napomena:

Sve naprijed navedene izjave kandidata moraju biti potpisane i ovjerene od strane nadležnog općinskog organa ili notara, ne starije od dana objave ovog Javnog oglasa.

Podnosilac prijave

Sarajevo, _____ 2023. godine